

蝶歸樓傳奇自序

歲庚寅六月余以事寓零陽時久旱炎酷室湫溢瓦不蔽椽日光逼射几榻皆焦灼余日皇皇於中譬魚之在炙也爲消遣計取少日所聞王女化蝶事譜而傳之初躁甚久乃安焉不以爲苦且不知有暑比卒業已及秋矣嘻惜哉以有用之精神付之無用之筆墨大雅奚取王荊公選唐詩猶謂費日於此爲可惜況此之爲哉山鬼雲中君騷之詭也周與蝶與蘧蘧栩栩莊之誕也古人於不得意之時每借此荒忽無稽之譚以自摠寫今人業已亮之矣然則余之實有

其事而非詭且誕者以寄其無聊之思於無可奈何
之日古人顧不我亮與今且四寒暑矣每覽舊編勝
情如昨客邸無事爰錄存之其費日力又何暇恤至
復有以言情見規者則將應之曰玉茗我導師君其
問焉可也癸巳重陽日今樵居士自識於豫章之天
光禪院

題詞

午莊蔣鳳翽倚聲

香夢沉羅綺。種相思。幾番聚散。幾番悲喜。千古青陵
魂化後。閱却繁華過矣。算只有芳心不死。到底春蠶
絲未斷。續鴛盟依舊。朱樓倚。情至者。類如此。東風
那管閑桃李。幻羅浮。是花是蝶。仙踪奇詭。聽到旗亭
歌艷曲。我欲狂招鳳子。怎喚得青娥重起。璧玉團圓
金釧合。比肩人更有雲英姊。圓好事。占雙美。調寄金縷曲

內弟虞卿蔣森榮題

塵劫難消。俗緣難斷。再世市恩承寵。鏡約釵盟。無限
纏綿吹夢。惡風堪恐。影幻羅浮。魂化青陵。惹得玉郎

淚湧。續情絲待結來生。依舊枕衾相擁。算薄命總是紅顏。歡娛有幾。葬送一坏香冢。同阿姊許訂鸞交。一樣比肩情重。我本多愁。聽到冰絲檀板。怎禁心動。嘆茫茫今古。牡丹亭後。又添情種。

右調蘇武慢

庚戌夏日少琴表兄出此示觀時舅氏已謝世矣
讀竟不勝感慨

甥壻蔣尙清敬題

樓上相逢緣最巧。妬煞天公好事難長保。羽化登仙香夢杳。斜陽荒塚生秋草。再世姻緣何足道。姊續新婚轉被多情惱。此恨綿綿何日了。挑燈忍讀傷心稿。

右調蝶戀花

蝶歸樓傳奇脚色

淨道士婆 門神尉遲敬德 藥王廟判官 道士徒弟

副淨道士張骨碌 灶神 開場

生 謝招郎

小生 趙師雄 門神秦瓊張機 王大郎 道士徒弟

老生 楊四

末 淳于意 店主人

外 扁鵲

丑 陪文 東園司 華陀 楊四子

蝶歸樓傳奇 脚色

蝶歸樓傳奇 脚色

旦 王鳳車

小旦 冷香仙主 王綽仙

貼旦 翠羽使者 王大娘 扮鬼

花旦 謝大姑

正旦 謝大姑

老旦 謝招郎母巫氏 執羽扇

蝶歸樓傳奇總目

總一齣	鼓引	第一齣	蛙因
第二齣	緣夢	第三齣	閨諠
第四齣	賺弟	第五齣	味曲
第六齣	借寓	第七齣	樓誓
第八齣	促別	第九齣	心病
第十齣	嘆誤	第十一齣	倩書
第十二齣	杖子	第十三齣	越樓
第十四齣	病圓	第十五齣	情決
第十六齣	化蝶	第十七齣	閨慟
第十八齣	兄夢	第十九齣	哭墓

蝶歸樓傳奇總目

二

第二十齣	鬼譚	第二十一齣	魂歸
第二十二齣	究情	第二十三齣	嚇堦
第二十四齣	醮遣	第二十五齣	醫判
第二十六齣	嫂訊	第二十七齣	勸嫵
第二十八齣	緣盡	第二十九齣	後圓
第三十齣	蝶仙	綴一齣	鼓詞
補一齣	大圓		

蝶歸樓傳奇

總一齣 鼓引

〔副末上〕說空說有說神仙。到底誰逃色相天。拚我當場敲拍板。爲他唱出想夫憐。俺太平班司鼓的便是。因俺師父楊四。年老告歸。令俺承其手業。今日午錯時分。後房子弟。將次登場。須索向前一步。〔內〕今日演的是那家故事。〔副〕就是今道人編的蝶歸樓。是俺師父新譜的。〔內〕到要請教。〔副〕列位。要曉得今道人既已勘破情關。何必爲情說法。這種筆墨。無非游戲三昧。俺師父替他點譜。傳播黎園。也算是多事哩。其中大意。有沁園春爲證。聽我道來。

〔中呂〕〔慢詞〕〔沁園春〕謝氏招郎。王家五妹。天生有情。嘆一回相見。知他泥我。一燈同誓。祇我憐卿。樓上重逢。夢中沖喜。偷得殘宵心願成。難回命。便雲收雨散。月杳花冥。〔換頭〕堪驚。松下新塋。任哭倒泉臺。不再醒。看灰中蝴蝶。圓成錦帳。空中鸞鶴。喚上瑤京。海島梅花。天涯芳草。要是無緣。始不生前因定。賸兩姨姊妹。

蝶歸樓傳奇 第一齣

二

續會雙星

謝招郎觀場逢美眷

王五姊歸魂成宿願

多情姊無意續鴛盟

老鼓吏留詞完蝶案

列位請看蝴蝶兒來也(下)

第一齣 蝶因

(北雙調)(新水令)(雜扮四蝶旋轉演出套數引小旦宮裝老旦花旦侍女羽扇擁上四雜先下)(小旦)情天數座說多情。還倩俺有情仙。將情細證。愁城難打。破恨海。未填平。色界含靈。總說是情。是本來性。

舊從香國悟心禪。管領江南有漏天。月落參橫幽夢好。可知仙佛重因緣。小仙羅浮山冷香仙子是也。始以種根無相證果瑤天。復以結習多情墮身塵劫。許仍領名山職掌。幸不入人道輪迴。只這座羅浮山青鬱鬱占住南天。憑着俺逍遙來往。就幾株老梅樹。白鬆鬆開從北陸。也費俺收管勾除。則

俺冷香仙子的頭銜也抵得華靈宮的執事。不料風流孽重。遂致染着情深。前者趙師雄臥此荒山。俺着翠羽使招之同夢。天緣有在。仙眷斯成。近令他巡察南枝。尚未返駕。(貼綠裝雉尾上)大仙稽首。(小旦)翠羽使者少禮。(貼)本山蝶衆俱已齊到。專候大仙查點。(小旦)且待趙秀才回來一同施放。

(南步步嬌)(小生巾服上)誰信生來神仙命。早下劉綱聘。天作合。兩多情。承受了。輓玉溫香。三生僥倖。仙姑拜揖。(小旦)趙郎回來了。請坐。(小生旁坐介)今日施行是那宗公案。(小旦)羅浮本境。向有仙蝶一種。盈千累萬。都隸漆園部下。上帝因這老頭兒。似夢非夢。疏略糊塗。降了玉旨。改隸本司部下。以便稽查。(小生)昆蟲小物。上帝何以垂憐至此。知覺一星星也。值得老天公發個慈悲令。

(小旦)非也。萬物含生。俱有佛性。彼蒼愛人固重。愛物也就不輕。況這蝴蝶。俱係散仙。皆以香色因緣墮此苦趣。切莫等閒相覷也。(小生)小生愚昧。敢請仙姑宣示一番。

〔北折桂令〕（小旦）這是他醉春酣一轉下青冥才打個磨陀不記前程早則是點上花班。伴着花魂。算做花星。剛掙上老滕王衣裳裝靚。計不起小英臺魂魄離輕。熱團圓粉褪紅英。乾結果香老青陵。只可嘆呵。一例價醉金迷雨斷雲零。

（小生）得蒙仙姑指明。已知大概。但不知點勘之法。又是如何。（小旦）翠羽使者過來。向日點勘。可有章程。（貼）上帝以此輩俱係散仙。孽緣滿日。均應得度。任其游戲人間。至時羽化。接應歸班。收入正冊。名曰樂度。更有幾種。收入副冊之中。名為苦度。或兒女接揉。或燕鶯捐翦。或狂風飄颻。或巨網沾黏。受盡人間惡趣。此外別有重轉人身。完其宿債。因之得度。比那四種。更為苦惱也。

〔南江兒水〕可要他重領胞胎苦。重嘗血肉腥。一樁樁對勘身家命。一年年積趲窮愁病。一回回消滅心情性。（小生）有此苦惱。何必又轉人身。（貼）這如何由他作主。到那時呵。軟歪刺星眸。一瞪現活潑全身。慚愧煞一絲不賸。

(小旦)既然如此。可將冊籍呈上。即宣羣蝶進來。俺有一言指示。(貼呈冊介)(向內介)蝶兒們走動。(四蝶上對舞介)(貼)蝶兒們就班。(蝶分列介)

〔北雁兒落帶得勝令〕(小旦)則你做春工一點活精靈盜濃香。三月間權柄沒收。稍趕上石榴裙。弄空頭蘸上芙蓉鏡。小春駒誰喚可人名。大華胥未許爾曹醒。救不了積世虛花行。叫不出傷春夢。覓聲輕也麼。盈來香國完。雙聘伶也麼。傳上風輪了一生。

(貼)衆蝶名數相符。便請發放。(小旦)就在山中。照例安插去罷。(四蝶旋舞同貼下)(小生)原來有此因果。則這牽纏也就不少哩。

〔南僥僥令〕看他兩兩三三。好花。花。葉。葉。輕。是。魂。迷。猜。不。透。天。公。性。渾。不。想。妙。香。華。在。玉。京。

(內作風起介)(貼上)啓上大仙。方纔是風大起。衆蝶翻飛。風定之時。內中鳳車一名。不知去向。請

大仙察奪（小生）想是因風得度的了。（貼）非也。因風得度。遺蛻應存。此必別有緣故。（小旦）可取冊籍來。待俺查勘。（貼送冊介）（小旦檢介）呀。原來又是一重公案。

〔北收江南〕則你助情。花開得太娉婷。則他種情根。剗得太零星。則俺轉情關。註得太分明。今生半生來生半生。一重緣。派作兩重成。

可收冊籍過者。（貼收冊下）（小生）那風車因何緣孽。受此輪迴。（小旦）情之一字。人所最難。天所最始。大凡性根中一點萌芽。運自己不知不覺。就是天眼中一根芒刺。弄得你難合難分。那風車因情入癡。因癡入世。中間離而復合。合而復離。老天公播弄他不少也。（小生）咳。可憐。

〔南園林好〕一時間。憐卿愛卿。百年價。新盟舊盟。甚支持。千刀萬證。仙姑。你也要暗中圓成。則個忍看他。沒把柄。儘支撐。沒結煞。不留停。

（小旦）趙郎。你祇知因情說法。都不解據案斷情。偏他孽在數中。便是理難情奪。其中無限苦趣。雖則可憐。但你我又。是情。謫之人。如何救得。

〔北沽美酒帶太平令〕咒燈花意未明。咒燈花意未明。脆琉璃命已傾。況沒個剪紙題名掛孝旌也。沒個據靈牀描影魂搖曳。苦無憑。到了那時。俺少不得另有一番指引。紙錢灰旋風送。冷杜鵑花血淚尋盟。醫鬼病丹殘寶鼎弄仙香。春注銀瓶。他呵。挨盡了三更五更。拗不過無緣無命呀。都似俺羅浮夢醒。

〔小生〕請問此重公案。何時可以完結。〔小旦〕早哩。待他情盡。才是刼完。直到生天。方爲圓滿。且與你領略南枝春色去。〔老旦〕花旦執羽扇暗上。

〔南尾〕〔合〕倚梅根發個梅花令。向雪窖冰天共說情。說與那世上熟腸人聞自省。〔衆擁下〕

第二齣 緣夢

中呂〔金菊對芙蓉〕〔生巾服上〕過眼風花。催春煙雨。銷魂人在春江。聽啼鵲小度。猛省韶光。疏簾不放楊花入。憑闌罷。又是斜陽人兒一個。低徊顧影。著甚思。

量。

〔鷓鴣天〕鶯老春殘有所思。檐聲搖過賣花時。人間舊夢通青嶺。江上癡雲蕩碧漪。無限意。爲春悲。孤吟獨笑却因誰。不知樓外傷心柳。和雨和煙得幾枝。小生姓謝。小字招郎。天台山下人也。西江舊業。數傳忠節之遺。勝國名家。一代冠裳之盛。迨茲旣改。門閥中衰。先君俠氣干雲。論兵邁古。不幸早世。尙遺老母在堂。小生雖蜚弱冠之聲。未遂請纓之願。早歲失學。不免五角六張。夙慧能文。敢比三蘇二陸。想我旣無昆玉。復鮮朋簪。射策無期。執柯未得。雖親幃健在。五倫僅得其一。眼前好不蕭索也。喜得姊夫遠出。大姊歸寧。藉他奉慰高堂。寬我偷閑子舍。你看風清日美。几淨牕明。待俺拈本書兒。遺愁則個。

〔駐馬聽〕數卷丹黃。賺老人間白面郎。俺可也在心爲志。做意周旋。着眼排當。有一日。宮花沾惹。帽簷香看藥珠仙子。從天降。〔搖擺笑介〕酸丁恁郎。當敢有三分風月與平章。

數日來行眠起坐。忽忽不寧。若說是病。呵。身軀無恙。若說是愁。呵。所事無關。到底爲着甚來。（作欠身坐介）

〔前腔〕冰雪心腸。攔不住。打片成團。百事傷。知怎生無情無緒。到底牽纏。欲說難詳。不爲是落花飛絮。太顛狂。可是咱啼紅怨綠。多惆悵。絲絲氣兒揚。散夢魂。飛入鬱金堂。

想小生年齒漸增。婚姻一事。却也蹉跎不得。（照鏡介）論俺品貌。也消得一個佳人。只不知謝摺郎的緣法如何。這是更難猜度了。

〔前腔〕何粉荀香。待點勘金閨八寶粧。若不是心兒相印。肉樣相疼。也算不了俺的可意娘。行有多少。銷金彩幔。繡鴛鴦。怕參辰錯管了紅鸞帳。教人細思量。准備着濃雲豔雨。到高唐。

身子忽然困倦。不免隱几片時。（睡介）（旦上）無心繫謝草。有意惹巫雲。爲有情因在。平空一見君。